

गोरबोनि राव गोजा गलाब बिबार

बेसेबांबा गोबाब जाबाय आं
बेसेबांबा सम जाबाय
नौंखौं आं सिर सिर अनखोमाबोनाय
फोरमायसहोयाखौं आं दिनैबो
बुंगो सानाय रावखौंनो,
फावसायफिनो लाजिनय गोसोजों
आंनि लाजिनुसु गोसोआ.
एवथुबाय थायो मानोबा
आंनि आउलिया गोसोआ
फोरमायनो गोर्बोनि राव,
गोसोआ सानो मानोबा
नाजावगोना नाजावा जाखो
आंनि बे रावखौंबा,
विखायाल' गावो खुगाय गेवा।
जेब्ला लोगो मोनो आं
जिउआव खेबसे नौंखौ
नोजोर नाडो आं
नौंनो मुहिनगोनं महराव।
दावमेनानि बादि गोदै गारांजों
नौंनि रायदावनाय रावा
खालामो गोसोखौं आंनि जावलिया,
फोरमायनो हाबावगोन आं माल्ला
आंनि गोरबोनि राव।

मुख्य मोदानसार बुनुवारी
जय भद्र हागजेर गोजौं बर' फराइसालि
जिला - बागसा

रादायनि दौलें

ओइ र'जे दोनै मानो नौं बावखो
बै समनि रादायनि देवलेखो,
नौंनोदि बुंदोमोन
बै संमाव आंनि सिगडाव
फोरमायदो गोर्बो बाश्रा।
नाथाय, गुमुरखौं लाखोमाना
ताखो मानो दोनै
आंनि आन्दोआव सिरिये
जावखौंदोसे दोनै
आजोला आंनि गोसोआ
मानोबा नौंखौं हास्थायनाई,
दाकोराय बाइथो गोर्बो गोसोआ
नौंखौं नुनो मोनैआव,
नुजाफैथो दाबोनो रोमै-रोमै
बै समनि रादाय खानाय,
राइज्जाइनाय नौंनि रैसुमै राव फाव।
गेलैफैवाय थायो दाबोनो
गोर्बोनि इसिआव साया माया
नौं रै रुब महर मुधि आ
गोसो खाङ्गेब्ला बोहैयो।
गोर्बो सिंखावनाई
मिथिस्त्वावनो मोनै मेगानाव मोदै।

मुख्य बिनेश्वर ब्रह्म
कक्षाज्ञार

मुंख्लं सुजिद

गावनि जिउखौं बर'
माहारिनि थाखाय बावलांबाय
नौं मुंख्लं सुजिद।
बर' हाओर सोमावसार जेननायनि
गिबि मुंख्लं नौं सुजिद।
1987 माइथायनि 12 जुनाव
सुशुरनि आखायाव
नौंनि आगोमा जिउखौं
खोमानानै लानांबाय
दुखुथिया बिमानि गोर्बोआल
हाजासे दुखु गालांबाय
नौंनि मुंख्लं जानायाव
बुहुमनि गासे बर'सायानो
दुखु मोनफादो
बेनोमोन नामा सुजिद
नौंनि खाफाल।
गोसो खाङ्गे दाबोनो
बोसोरनि 12 जुनाव
फैलाव अखार्नि
सिंआव गसंनाई
दुलारा बर' फरायसा
आफादनि फिरफिलाखौं
उराय होना।

मुख्य गोरांग' नाजारी
सालबारी
लासो - बेटबारी / जिल्ला - बागसा

फालगुन दाननि जावलिया बाराव।
सानस नो हायै लाइमोन बैसोआव
गुवार गोसोनि अन्नाय लानानै
मोजां मोन्दोमोन रजे
आं नौंखौं जेब्ला।
अब्ला, नौं आंनि बायराव
देरानि लांगोनायाव बारदोंमोन
सान्सोनि गोजा गलाब बिबार।
दिनै बै गोजा गलाब बिबारा बहा ? ? ?
नाथाय, नौंदि बै सिखिफोरनि
गेजेरावसो बारहैनानै दं।
आंनि बेसेबा गोजानावसो.।
नौं, मोदाम जायाखैंथ',
सिखिफोरजों बिदै सोबोजानो।
बिबिदिनो, रजे नौंखौं आ
हास्थायदोंमोन मोकथांआव।
नाथाय नौंदि बावगारलांबाय
अब्लाबो आं नौंखौं गोर्बोजों
मोजां मोन्दोमोन...
जाकुं होनो थाखैंथ....
नाथाय सानाखैमोन नौं रंजे
आंनि अन्नायकौं सैथो गोथार होना।
जाउनाव जानांबाय आं दिनै
लोगो गोमाजानाय दाउसा माउरिया
बिद्ब्ला रंजे बुं बै समनि
अन्नाय बेसेन गैयामोन नामा।
जानो हागौं आंदि गोरेन्थ
खालामाय बिनि थाखाय नौं
आंखो नेवसिगारनो हागौं।
नाथाय, नौंबो इसेबां गिदिर
समाय लानायखौं गियाखैसे।
ना नौं समायखौं फिसा
होनानै सासनबाय नामा।
ना फालगुन दाननि थिं थिं
सान्दुं दुनायाव रानग्रिलांनो
हमबाय नामा बै गोजा
गुलाब बिबार।

बेनेजन बरगंयारी।
जिल्ला - बड़गाव, बि.टि.सि., आसाम

जाबाय आं दुथामि

आंनि जिउनि हाहाहोगिरि
अनजातु आन्जालि, बिफा बिमाफोर
गावसोरनि गोसो गोर्बोआव हाजासे,
गोथार मिजिं लानानै दोनहरदोंमोन,
दिनै आंखो टाउन-सहरेव,
स्कुल, कलेज फरायनो।
बुरलु बुरला खालामनै
गावसोरनि बिखानि थैखौं दै खालामनै,
हरदोंमोन रोजा रोजा रंग
गावनि फिसानि नांगौं बादियै।
नाथाय दिनै मोनथिया हासिया,
सहरेनि गुंदु बारजों बारफानाई
गावनि सानाय हनायखौं सोलायबाय,
बिफा-बिमानि सान-इजोदोखो बावगारबाय।
लिरनाय-फरायनायआवो जाबाय
लैथोनि दै दाहार-आव गोजावनाय
खोमस्तिलफानफोरा बायदि थाँथि गैयै।
सानप्रोमबो सहरेनि गंलायावल',
जौ, सिपोरेट आरो थांखु सोबै - सोबै
समखौं आं बारहोदोंमोन।
गावनि जौमोननिहाविलासखौं सानहरनो
सम आरो बोथेरआवो गैला आंहा,
खालिबोल' नांगौं -नांगौं -नांगौं
जौ, जुवा आरो सिगारेट।
गिनाय, लाजिनायआवो गोमा जोबबाय,
लामा सामा सिल्ला सासेबो
बारगलिया....
हाय ! आं मादि मावफोनांखो....
थारैनो जाबाय आंबो सासे दुथामि।

मुख्य प्रफुल्ल नाजारी।

रंजालि गथ'फोरनि सौरा

टेट्रिकटिस खनथाइ

नौं
फैबो
नाडा दे
थांगासिनो
नौंसो नौंदाया गुबुंले मोनगोन

बै
सुबुं
संसायव
सोब्बा नडा
सोब्बा नौंखौं दिखार होगा थायो

नौं
बेयाव
दुखारु
जानो नाडा
मोनगोनो हायो गियाननि फुंखा

जौं
बयबो
सुबुंग्रा
मोजां बायगर
बाइदिसिना भावशिना दिनथियो

नौं
बर'
माहारि
जासे जाना
बाथौवारि जानो हाया नामा ?

-रैदोम बर',
माजिदिया, बगुलामारि, बाक्सा

जिउखौलाय मोना खनले

लोगोफोर मा लामायाव लाय
थाबाय दों बैखानि लामा
सोरनि थाखाय खारखोदों
सिंगांआव मिथिस हायै लामा
नंगो 'र' रावबो मालाय नडा
नडाबो रावबो आंगो।

समनि दाहराल लोगो मोन्दों
गान्नायजों गावबा गावनि महरै
सोलायस्ल महर मिथिमानि
मैया जेसेबां लोगो मोन्दोंमोन
दिनेबा लोगों मोगोनबा बेसेबां
विख्यौथ समावसो खिन्था हागोन।

लोगोफोर लामाया गावबा गाव
जाय थांदों थानो हो
जाय थागोन थानो हो
लामा हान्थिनाया गावनिसो

दसे लोगो मोनायाव हागोनि
रंजानाय फोस्त्राव हो
हानाय मानि मिनि हो।

रावबो रावनिबो आंगो नडा
रावनिबो जेबो अरायथा नडा
लोगोफोर लामा प्रा गावबा गाव

नेगार नाडा गावनिनो आखाय
हुगारना मेगननि मोंदै बोहैनाय
गासोना नाजा दुथां बिसोरखौं
बिसोर नेहाद सो।

अन्नाय खुदिनाय बि जाबाय
गासै समनि गेलानाय
विख्यौल नाय थाना थानायनि
मिनि मिनिहो रंजानायनि
थानांगोन थाना सुखु दुखुयै
नाथाय दा बोखाय रावखौंबो
आइथेंआव हमनानै

दावगा हानाय नडा गोलैगोन

दावगानो खाबु हो

मानोना जिउखौं खनसेल मोनगोन।

हेमन्त स्वर्गीयारी
गोदान दिल्ली

जिउनि अनजालि

आंनि जिउनि मोदायजो
गोर्बोनि अनजालि मोन जौं।
गेलेनाय नंडामोन आंनि
नौंखौं मोजां मोननाय।
दिनै नाथाय मानो ?
आंनि गोर्बोनि गोथार
अननायखौं नेवसिनानै नौं
नंखाय खालामखो ?
नंडामोन अनजालि बियो
दसे समनि थाखाय;
अराय समनि थाखायसोमोन।
सिंगांआवबो सानाखैमोन आं,
नौं अनजालिखौं गुबुनजों
आनजाय लांगोन होनानै।
नाथाय जिनै नेवसिबाय
नौं अनजालियो गोर्बोनि
गोथार अननायखौं।
सानदोंमोन आं नौं
अनजालिखौं जौउनि खालामनो
फैमात नाथाय बै आंनि साननाय।
होलांबाय नौं अनजालियो
गोसोव हाजासे दुखु
गालांबाय नौं अनजालियो
गोर्बोआव जुजायनि अर
थांबाय नौं....
जिउनि अनजालि।

दैमा मसाहारी
लासो - हल्लुगाव
जिला - कक्षाज्ञार बि टि सि आसाम।

इराननि जोबथेसालियाव जोबजानाय दाय गैयै सा 5 नाबिकफोरा हादतआव सौफैबाय

गोदान दिल्ली, 24 मार्च: सा भारतासा सरकारा हरदों आरो फेब्रुवारी, 2020 आव इगननि सामायाव गिर्दिलांबाय
5 भारतीय नाबिक एवा जाहाज भारतीय मुलुग जौसांआ सुविधा रैखाथि सान्थिं फोरा थादोंमोन। बेनिक्राय भारतनि
सालायगिरिकोरा 403 साननि गथायन होदों। भारतनि थान्दै हमदोंमोन। बिसोर सा 5 गुबुन हादतआव राहा गोथेना
उनाव हादतआव सौफैफिनबाय। मावखौं तेहरान मिलो दिल्ली सु बुंफोरखौं जाहाजों थाहै नायफोरखौं रैखा
बिसोरो दाय गैयानासे 403 सान इगननि चाबहार सेन्ट्रेल जेलआव उनाव बिसोरो नौंदायनि होनायनि लोगोसे फे ग्रा मुवाफोरनि खालामनो थाखाय इन्डियान
गथायनि जौमोननिहाविलासखौं सानहरनो आरो कणार्क, सिस्तान आरो बलुचिस्तान राइज्यो, इरानआव बिबानगिरिकोरजों चाबहार आरो तेहरान, मन्दार च

पाकिस्तान आव खुंजानो हापौ एसिया कापनि खावसे मेचफोरा

गोदान दिल्ली, 24 मार्चः
सोलिफु बोसोरनि फैगौ
सेप्तेम्बर दानाव खुंजानो गोनां
एसिया कापआ
पाकिस्तानयावनो खुंजानो हागौ।
इएसपिएननि मोनसे रिपर्ट
बायदिल्ला, बे एसिया काप
टुर्नामेन्टनि बांसिन मेचफोरानो
पाकिस्तानयाव खुंजागोन।
बेबानि भारतनि हान्जाया बे
टुर्नामेन्टयाव जेसेबां मेच
गेलेगोन बेखौ इउएड, अमान
एबा श्रीलंकाया खुंनो हागौ। बे
टुर्नामेन्टयाव भारत आरो
पाकिस्ताननि गेजेराव मोनथाम
मेच गेलेनायनि मिजिं दं।
मख 'नो गोनांदि, बे खेबाव



वर्ल्ड बक्सिं सेम्पियनसिपनि फाइनालयाव
भारतनि आइजो बक्सार निखत जरिन, नितु,
सुझति आरो लाभलिना बरगहाइ



गोदान दिल्ली, 24 मार्चः
दासान्दि हादतनि राजथावनि
गोदान दिल्लीयाव
खुं जागासिनो थाखाय
आइजोफोरनि वल्ड बक्सिं
सेम्पियनसिपआव भारतनि
माखासे स्टार आइजो
बक्सारफोर फारियै निखत
जस्ति बरा, लाभलिना
बरगहाइ आरो नितु धंधासमोनहा
जोबोद गोख्रोडै गेलेगासिनो
दड़। 50 कि:ग्रा: केटेगरिनि
बादायलायनायाव भारतनि
आइजो बक्सार निखत जस्ति आ
स्थि' अलिम्पिकयाव ब्रन्ज मेडले
देरहानो हानाय कलम्बियानि
आइजो बक्सार इंगित
बालेन्सियाखौ फे जेन्नानै
फाइनालयाव जायगा आवग्रिन्ते
हाबाय। निखतनि अनगायै
भारतनि गुबुन गेलेगिरि सुइति
बुरया 81 कि:ग्रा: लिरथायनि
के टेगरियाव अस्ट्रेलियानि
गे लेगिरि सु एमाखौ 4-3
पइन्टजों फेजेनानै फाइनालयाव
सौहैनो हादों। आसामन्नि
लाभलिना बरगहाइ 75
कि:ग्रा: लिरथायनि केटेगरिनि

सेमिफाइनाल बादायलायनायाव चीननि गेटेगिरि लि-कियानखौ फेजेन्नानै फाइनालयाव हाबनो हादों। बेजों लोगोसेनो भारतनि आइजो बक्सारफोरा बे सेम्पियनसिपयाव मे डेल देरहानाया रेखा जादों। निखत जरिनआ 2022 नि वर्ल्ड बक्सं सेम्पियनसिपयावबो सना मेडेल देरहानो हादोंमोन। निखतआ फैगौ रबिबारखालि बे सेम्पियनसिपनि फाइनालखौ एसियान सेम्पियन बियेटनामनि गयेन टिजों मोगा-मोगि बादायलायगोन। कमनवेल्थ गे म्सनि सेम्पियन नितु घंघासआबो 48 कि:ग्रा: के टेगरिनि सेमिफाइनाल बा।द।य।ल।य।न।य।व। कजाकिस्ट्यनिनि अलुवा बालकिं बेकवाखौ फेजेन्नानै फाइनालयाव हाबनो हादों। नितुआ बे सेम्पियनसिपनि फाइनालखौ गाबोन शनिबारखालि 2022 एसियान सेम्पियनसिपनि ब्रन्ज मेडेल देरहानो हानाय मंगलिया हादतनि लुतसेखान अल्यान सेटसेकजों गेलेगोन □

आफगानिस्तान आ गुबुन मोनसे
गुपयाव दड़। एसिया कापनि
जागायनाय स्टेजयाव भारतनि
हान्जाया मोनै मेच गेलेगोन।
मोनसे मेचखौ देरहायोब्लानो
भारतनि हान्जाया सुपार-4
स्टेजयाव सौहैगोन। जेराव
मोनथाम मेच गेलेनांगोन, जुदि
भारतनि हान्जाया फाइनालयाव
सौहैयोब्ला, बे टुर्नामेन्ट्याव
गासै मोन 6 मेच गेलेनांगोन।
बबेखानि इउएइ, अमान आरो
श्रीलंकानि हेंथायै इलेन्ड्यावनो
बे टुर्नामेन्टनि मेचखौ खुनायनि
मिजिं दं। भारत-पाकिस्तान नि
गेजेराव गेलेनो गोनां मेचखौ
नायनो थाखाय इंलेन्ड्याव
रोजा-रोजा क्रि के ट
अन्सायगिरिफोर हांखुर जानानै
दं। थांनाय सप्ताहयाव एसिया
क्रि के ट काउन्सिल आ
पाकिस्तान याव एसियान काप
खुनायखौ लानानै मोनसे मेल
जथुमदोंमोन। बे मेलयाव एसिया
काप टुर्नामेन्टनि फाइनाल मेच
खुं गोननि जायगाखौ थि
खालामनो हायरखै। □

सुझ स अपेनः प्रणय आरो श्रीकान्तआ बिदाय, सिन्धुआ देरहासाद



गोदान दिल्ली, 24 मार्चः
मुलुगनां 9 थि सारिनि गेलेगिरि
एइसएस प्रणयआ दिनै फ्रास्तनि
गेलेगिरि कृस्ट पपबजॉं जेन्नानै
दासान्दि खुंजागासिनो थानाय
सुइस अपैन सुपार-300
बे डमिन्टन टुर्नामेन्टनिफ्राय
बिदाय लानांबाय। नोजोर
होथावदि, बे टुर्नामेन्टयाव
एइसएस प्रणयआ गोख्रों
गेलेगिरि महरै गनायजादोंमोन।
नाथाय बिथाडा मुलुगनि 40
सारिनि गेलेगिरि कृस्ट पपबजॉं
8-21, 8-21 पइन्टनि
फारागथियाव जेन्नानै
हौवाफोरनि हारसिं
बादायलायनायनिफ्राय बिदाय
लानाडो। बेखानि भारतनि
बे डमिन्टन गे लै गिरफोरनि
थाखाय दिनैनि दिना गाजियै
बारग 'लांदों, मानोना किदाम्बि
श्रीकान्तआ थानाय सानखालि
हंकंनि गेलेगिरि सेयुक युक
लिजॉं जेन्नानै बे टुर्नामेन्टनिफ्राय
बिदाय लानांदों। किदाम्बि
श्रीकान्त आरो युकनि गेजेगव
गोब्राब बादायलायनाय
जादोंमोन। नाथाय बे क्वार्टर
फाइनाल बादायलायनायाव
श्रीकान्तआ युकजॉं 22-20,
21-17 पइन्टजॉं जेन्नाडो।
भारतनि गुबुन सासेबाव गोख्रों
गेलेगिरि नेसनेल सेम्पियन
मितुन मन्जु नाथआबो बे
टुर्नामेन्टनि नैथि राउन्डयाव
जेन्नानै टुर्नामेन्टनिफ्राय बिदाय
लानांबाय। बिथाडा सिनी
टाइपेनि गेलेगिरि सिया हाउओ
लिजॉं 21-19, 21-10 पइन्टजॉं
जेन्नांदों। बेरापासे भारतनि आइजो
बेडमिन्ट गेलेगिरि पिभि सिन्धुआ
बे टुर्नामेन्टनि आइजोफोरनि हारसिं
बादायलायनायाव गिबि राउन्डयाव
सुइजार्लेन्डनि गेलेगिरि जेनजिरा
स्टेडेलमेनखो 21-9, 21-16
पइन्टजॉं फेजेन्नानै नैथि राउन्डयाव
हाबनो हादों। बे टुर्नामेन्टनि नैथि
राउन्डखो पिभि सिन्धुआ
इन्डनेसियानि 20 बोसोर बैसोनि
कुसुमा बार्डनिजॉं
बादायलायगोन। □

फुटबल इन्टरनेशनेल ब्रेक : रनाल्ड- मेसिआ नेशनेल टीमजॉं गेलेनानै गल सोदौं



टीमनि गेदेमा गेलेगिरि बेन स्नीनि रेकर्डखांबो सिफायदों । बेरागारसे, क्रिस्टियान स्नाल्डआ बयनिख्वृइ बांसिन इन्टारने सनेल मेच गेलेनायनि गोदान रेकर्ड सोरजिदों । दा बिथाड गावनि हादत पर्ट्याल हान्जानि थाखाय 197 मेच गेलेबाय । बिथाड कुयेटनि बाढ अल मुटापाखौ दोन्हो हादों । बाढ अल मुटापाया 196 मेच गेलेखांबाय । पर्ट्यालआ थांनाय सानखालि लीकटेस्टननि हेथायै इउप काप 2024 नि क्वालिफाइ मेच गेलेदों । बे बादायलायनायाव पर्ट्यालआ लीकटेस्टनखौ 4-0 गलजों फेजेन्दों । बे मेचयाव स्नाल्डआ 2 गल सोनो हादों । ऐहाय इलेन्ड आरो इटालीनि गेजेरवबो इउ काप 2024 नि क्वालिफाइ मेचखौ गेलेनाय जादों । बे क्वालिफाइ मेचयाव इलेन्डयाव इटालीखौ 2-1 गलजों फेजेन्दों । जेराव हेरिकेनआ 44 मिनिट्याव गल सोनायजॉ हान्जनि देरहानायाव बिहोमा होनो हादों । आर्जेन्टिनायाबो वर्ल्ड काप देरहानायनि उनाव शक्रबारखालि गावनि हादतयाव गिबि खेब मेच गेलेदों । बे लोगोयारि मेचयाव आर्जेन्टिनाया पनामाखौ 2-0 गलजों फेजेन्दों, जेराव लियेनेल मेसिया 29 मिट्याव हान्जानि थाखाय गल सोनो हादों □

**THE CANDIDATES WHO ARE GOING TO APPEAR IN THE COMBINED COMPETITIVE
(PRELIMINARY) EXAMINATION, 2022 ON 26th MARCH, 2023 ARE HEREBY INFORMED**

-
- » To reach the Examination Venue 2 hours prior to the commencement of the Examination.
- » To bring ball pen (black or blue), e - Admission Certificate, Photo identity proof (PAN Card, Driving Licence, Passport, Voter ID, AADHAAR card, IDs issued by Government Departments/PSUs, Educational Institutions).
- No other items viz. mobile phones (even in switched off mode), any electronic equipment or programmable device or storage media devices, such as – any kind of watches, health bands, electronic pen/scanner, Bluetooth devices, camera, earphones or any other such electronic gadgets/devices either in working or switched off mode capable of being used as a communication device, bags/pouch/wallets etc, calculator, pen drives, bits of papers etc., textual materials (printed or written), any item which could be used for unfair means, water bottle, use of above or similar items will be treated under "unfair means" category and will attract punishment as per rules.



JANASANYOG/D/24093/22

Owned, printed and published by Garkhwao Basumatary from Maibong Nwgwr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwijnepuri, P.O. & Dist. Kokrajhar, B.T.C, Assam; Phone & Fax No : 0366-276785; E-mail: bodosapress@gmail.com, bodosadaily@yahoo.co.in; **Editor : Baburam Basumatary, Executive Editor : Mwathang Basumatary**

Issued in public interest by:

ISSUED IN PUBLIC INTEREST BY:

JAWAHARNAGAR, KHANAPARA, GUWAHATI-781022